

22. STB e tla ja bokae?

Ditheko di tla tsebiswa hang ha di-STB di se di le teng mabenkeleng. Batho ba sa tshwanelang ho fumana ditshehetso tsa mmuso ba tla ithekela di-STB tsa bona.

23. Ebe ditshehetso tsena tsa mmuso di fumanwa ke ba malapa a DTT feela?

Bohle ba DTT le ba DTH ba tla fumana ditshehetso tsena tsa mmuso.

24. Na ke tla hloka ho lefa sekepele sa kgwedi le kgwedi jwaloka DSTV?

Tjhe, STB e lefella hang feela ha e rekwa. Leha ho le jwalo, o tla nne o tsewele pele ho lefella laesense ya hao jwalokaha molao o tlama.

25. Aforika Borwa e kena jwang lepatlelong la kgaso la lefatshe ka bophara?

Aforika Borwa e hlophisa merero ya maqhubu a yona le dinaha tse ding ho netefatsa hore ha hona tshitiso matshwaong a kgaso ya dinaha tse ding.

Sena se bolela hore ha jwale dikgaso tsa thelevishene ya analoko di tshireletsehile tshitisona. Leha ho le jwalo, Yuniyone ya Matjhabatjhaba ya Dkaho tsa Motheo tsa Dikgokahano e laetse hore tshireletso ena e fele ka 2015. Dipuisano tsa dinahapedi le dinaha tsa baahisane di se di qadile ho kokobetsa phephetso ena.

26. Ebe phallo e ho na le moo e entsweng kaekae lefatscheng?

Ehlile. Mehlala ya dinaha tse hatetseng pele tsamaisong ya phallo e di akga United Kingdom, New Zealand, Sweden, Amerika le Mauritius. Naha e nngwe le e nngwe e ikhathetse ho fetohela ho thelevishene ya dijithale.

27. Ke bomang bankaseabo ba fapaneng mme mesebetsi ya bona ke efe?**Mmuso**

O na le boikarabelo ba ho etsa leano la Phallo la Kgaso ya Dijithale. Mmuso o boela o na le boikarabelo ba ho netefatsa hore dijithale di teng bakeng sa Sekema sa Tshehetso ya Beng ba Thepa bakeng sa malapa a bahloki esita le bakeng sa ntshetsopele ya lewa la tlhahiso la di-STB. Lefapha la Dikgokahano le etsa mosebetsi ona lebitsong la mmuso.

Bahasi

Bahasi ba fatshe ba tlameha ho fallisetsa ditshebetso tsa bona ho dijithale. Bahasi ba amehang ke SABC, eTV le M-Net. Ba tla ba le boikarabelo ba ho thea ditshebetso tse ntjha le ho fallisetsa ditshebetso tse seng di le teng ho dijithale. Bahasi ba tla tlameha ho tsamaisa ditshebetso tsa analoko le tsa dijithale nakong ya phetoho ya tsona di le pedi ya dilemo tse tharo moo matshwa a analoko le a dijithale a tla tsamaisana tsela.

Bafepedi ba Leqhubu

Ba na le boikarabelo ba ho etsa meralo ya motheo ya marangrang a

dijithale lebitsong la bahasi. Bafepedi ba ka sehloohong ba leqhubu ke Sentech le Orbicom bakeng sa M-Net.

Kantoro ya Poso ya Aforika Borwa (SAPO)

SAPO e tla hlophisa ditafello tsa di-STB, ho ntshuwa ha tsona le ho lefa bahokedi ba tsona.

Lekgotla la Phihlelo le Tshebetso ya Lefatshe ka Bophara (USAASA)

Maikemisetso a USAASA ke ho thusa le ho tsitlalla phihlelo ya ditsebisano le dikgokahano tsa thekenoloji. E le karolo ya taelo ya yona, e tshwanela ho isa di-STB tse tsheheditsweng ka dijithale malapeng a dimilione tse hlano a nang le dithelevishene a nkuwang e le a hlohang abile a tshwanetse.

Bolaodi bo Ipusang ba Dikgokahano ba Aforika Borwa (ICASA)

ICASA e na le boikarabelo ba ho laola makala a dikaho tsa motheo tsa dikgokahano le a kgaso. E tla ba le boikarabelo ba ho hlophisa le ho aba maqhubu, esita le ho ntshuwa ha dilaeense bakeng sa ditshebetso tsa dijithale. Ditshebetso tse ntjha tsa dijithale ha di ka ke tsa thakgolwa ntle le laesense kapa tumello e tswang ho ICASA.

Bahlahisi

Ba na le boikarabelo ba ho hlahisa di-STB le ho netefatsa hore mabokosana ao a ikamahanya le maemo a beilweng.

Mekgotla ya barekisi le bareki

E tla fana ka lesedi le nepahetseng ho bareki, ho etsa hore ba tle ba kgethe hantle ha ba reka di-STB, le hore basebetsi ba mabenkeleng ba rupelletswe ka bokgabane ho eletsisa bareki ka nepo. Seabo sa bona ke ho netefatsa hore di-STB di teng bakeng sa ho rekwa ke bareki pele leqhubu la analoko le tingwa.

Mekgotla ya Basebetsi

Ho netefatsa hore phallo ya dijithale e tla fela e ntlafatse maemo a thuo a maAforika Borwa le matshwele a basebetsi. Ho feta moo, le hore maAforika Borwa a hlometse hantle ho ka ikutlwela tsela ya bokamoso ba wona naheng le moruong.

Mosebetsi wa phallo ya dijithale o fana ka menyetla ya ho thewa ha mesebetsi tlhahisong ya di-STB le masiba esita le bohokeding le ho lokisweng ha tsona.

Ho eketsa moo, ho thewa ha setsi sa mehala ya ditlitlebo e le karolo ya tshetso ho bareki ho tla boela ho thela batho menyetla ya mesebetsi.

Ha o batla ho tseba haholwanyane o ka buisana le:

LEFAPHA LA DIKGOKAHANO: KANTORO YA POROJEKE YA PHALLO HO DIJITHALE (DMPO)
Mashuba Pula ho 012 473 0061 kapa Occasiah Mayisa ho 012 473 0056.
Wepsaete: www.doc.gov.za
Imeile: dti@gcis.gov.za
Facebook: www.facebook.com/GO_DIGITAL_ZA
Twitter: [@GODIGITAL_ZA](https://twitter.com/GODIGITAL_ZA)

GO DIGITAL

SOUTH AFRICA



the doc

Department:
Communications
REPUBLIC OF SOUTH AFRICA



THELEVISHENE YA DIJITHALE YA FATSHE – TSOHLE TSEO O BATLANG HO DI TSEBA

1. Ke eng Phallelo ho Dijithale?

Ke tsamaiso ya ho tloha kgasong ya thelevishene ya analoko ho ya ho ya dijithale.

2. Ke eng DTT?

Ke tshebediso ya marangrang a ditara tse romelang maqhubu tse fatshe ho e na le disatalaete tse sepakapakang tse hasang ka dijithale.

3. Ke efe phapang dipakeng tsa DTT le Ho Toba Lapeng (DTH)?

Ena ke mekgwa e fapaneng ya ho hasa letshwao. Thelevishene ya satalaete e hasa ho tswa satalaeteng e sepakapakang eo o e fumanang ka sekotlolo sa satalaete. DTT e sebedisa dithomello tse fatshe ho hasa letshwao, le amohelwang ka tshebediso ya lesiba la thelevishene le lebokosana la dijithale (STB).

SABC, eTV le M-Net di romela matshwao fatshe. DSTv le Top TV di romela matshwao a dijithale a haswang ho tswa satalaeteng.

4. Hobaneng re hloka ho fetoha ho tloha ho thelevishene ya analoko ho ya ho ya dijithale?

Ho kgemeng mmoho le dinaha tse ding esita le ho ntshetsa pele dikgatelopele tsa theknoloji lefatshe ka bophara, mmuso o qetile ka ho falla ho tloha ho thelevishene ya analoko ho ya ho ya dijithale.

Melemo ya kgaso ya thelevishene ya dijithale e akga :

- Modumo o hlakileng haholwanyane
- Dikanale tse ngata le ho feta
- Tataiso ya thelevishene ya dijithale e ka ntlafatswang ha bobebe bakeng sa manane a mangatanyana a nepahetseng.
- Setshwantsho sa boleng bo hodimo. Setshwantsho sa boleng se sa nyotobeleng ho ya ka letshwao le fokolang la lesiba la thelevishene. Setshwantsho sa hao sa thelevishene se tla hlaka hantle kapa ho ke ke ha eba le setshwantsho ho hang. Ho ke ke ha hlola ho eba le ditshwantsho tse sa hlakang.
- Thomello ya maemo a hodimo (HD) a ditshwantsho tsa thelevishene

5. Ke hloka eng hore ke fetohela ho DTT?

O hloka STB, le teng ho ya ka mofuta wa phihlollo sebakeng sa heno haeba ke DTT kapa DTH. Lesedi lena o tla le fuwa kgabareng.

6. Ebe seo se bolela hore ke hloka dikhoudara e ntjha ya M-Net?

Ehliile – dikhoudara ya hao ya jwale ya M-Net ke ya analoko mme e tla tlameha ho nkelwa sebaka ke dikhoudara ya dijithale. Ntle le haeba o na le DSTv kapa Top TV.

7. Ke eng thelevishene ya dijithale e momahantsweng?

Dilemong tse mmalwa tse tlang ho ka nna ha kgoneha ho reka thelevishene e nang le dikhoudara e bopelletsweng kahare. Tsena di bitswa dithelevishene tsa dijithale tse momahantsweng, empa ha di e so be teng Aforika Borwa.

8. Na ke tla hloka lesiba le letjha la thelevishene ?

Hona le kgonahalo ya ho se le hloke. Babozi ba bang ba ka nna ba hloka masiba a matjha a thelevishene. Le haeba o hloka kapa o ka se hloke lesiba le letjha la thelevishene kapa ho sothollwa ha lesiba la thelevishene le seng le le teng, ho tla itshetleha ho boleng ba letshwao la DTT sebakeng sa heno.

9. Na ke tla hloka di-STB tse tharo: E le nngwe ya SABC, e nngwe ya eTV le e nngwe ya M-Net?

Tjhe, e le nngwe feela. STB ya hao e tla kgona ho amohela dikanale tsa dijithale ho tloha ho bahasi bohle ba Aforika Borwa ba nang le dilaeense. Bahasi ba mahala ba tla hloka STB ya bona, ethe M-Net e tla boela a sebedisa dikhoudara ya hae.

10. Ke makgetha afe kapa maemo a setekgeniki a sesebediswa seo ke tla se hloka hore ke tshware DTT?

Dithomello tsa DTT Aforika Borwa di sebedisa theknoloji ya DVB-T2 le ya khompoesa ya MPEG-4. Kahoo, ho tshwara dikgaso tsa DTT, maemo a setekgeniki a SANS862 a tlameha ho:

- tsamaelana le maemo a DVB-T2
- kgona ho sebetsa ka videyo ya dikhoudara ya MPEG-4.

11. Di-STB di tla qala ho rekiswa neng?

Boha mehlodi ya ditaba bakeng sa tsebiso ya semolao ya hore na di tla fumaneha neng mabenkeleng.

12. Ebe e tla nkama neng?

Letona la Lefapha la Dikgokahano le tla tsebisa letsatsi la ho tingwa ha analoko kamora ho dula majwana le Kabinete. Haeba ha o na STB ka letsatsi leo, o ke ke wa kgona ho boha mananeo afe kapa afe a thelevishene a tshwarang ke lesiba la thelevishene ya hao.

13. Haeba ke le mosebedisi wa DSTv kapa Top TV, ke hloka ho etsa eng?

Haho letho. Phetoho e yang ho DTT e ama feela dikgaso tse tshwarang ka thelevishene ya fatshe. DSTv le Top TV tse tshwarang kgaso ka sekotlolo sa satalaete di se di le mothating wa dijithale

14. Na ke tla kgona ho boha DTT haeba ke na le sekotlolo sa satalaete feela?

Tjhe, o tla hloka ho ba le lesiba la thelevishene le STB tse hoketsweng hore o tle o kgone ho boha mananeo a DTT.

15. Haeba ke na le dithelevishene tse tharo ka tlang, na ke tla hloka di-STB tse tharo?

Ha feela o batla hore thelevishene e nngwe le e nngwe e bontshe dikanale tse fapaneng ka nako e le nngwe, ho seng jwalo STB e le nngwe e tla kgona ho bontsha lenaneo le le leng ho dithelevishene tse ngata.

16. Na ke hloka thelevishene e maemo a hodimo (HD) ho fallela ho DTT?

Thelevishene ya HD ha e hlokehe ho boha dikgaso tsa dijithale, empa haeba dikateng tsa lenaneo di hatisiswe ho HD, mosebedisi wa thelevishene ya HD o tla bona ho hlaka ho ntlafetseng le dintlha tse neng di ke ke tsa kgoneha dikgaso tsa analoko.

17. Ke lokela ho etsa jwang haeba STB ya ka e sa bontshe setshwantsho sa thelevishene sa boleng bo hodimo?

Sena se ka nna sa bakwa ke lesiba la thelevishene le nang le phoso kapa mathata a dithapo tsa thelevishene kapa a ho tshwara leqhubu a kang phoso e rarahaneng. Lesedi la seo o ka se etsang la tshehetso ho bareki le tla tsebisa kgabareng. Boha mehlodi ya ditaba bakeng sa tsebisa ya semmuso.

18. Na nka nna ka sebedisa DVD ya ka kapa sebadipadi/sehatisi sa videyo ka DTT?

Ehliile. Hangata, di-STB tsa DTT di na le disebediswa tse ding tse ekeditsweng tse ka hokelwang ho DVD/sehatisi kapa sebadipadi sa videyo.

19. Na ke tla hloka ho reka thelevishene e ntjha hore ke tshware DTT?

Tjhe. Dithelevishene tsohle tsa analoko di tla kgona ho tshwara DTT. Ela hloko hore hajwale haho thelevishene e teng mabenkeleng e tla kgona ho tshwara dikanale tsa thelevishene ya dijithale ntle le STB. Le haeba thelevishene e 'loketse dijithale' kapa 'e loketse HD' – haho bolele hore e ka tshwara kgaso ya thelevishene ya dijithale ntle le STB.

20. Ke tla tseba jwang hore thelevishene ya ka e tla sebetsa ka STB?

Dithelevishene tsohle di a kgona ho sebetsa ka STB.

21. Na ho na le dithuso tse teng tsa ditjhelete tsa ho fumana disebediswa tsa DTT? Haeba ke sa kgone ho ithekela STB, na seo se bolela hore nke ke ka kgona ho boha thelevishene kamora phallo?

Mmuso o tla fana ka di-STB tsa mahala ho beng ba malapa a futsanehileng ba fetang dimilione tse hlano. Ba tla bewa ka sehloohong ke ba malapa ao a mabatoweng a meedi ya naha le bao ba dulang mathokong a dibaka tsa Pokello ya Sekwere sa Mithara Kapa Leboya.

Dihlopha tse latelang di tshwanelehile ho ka amohela dithuso tsa ditjhelete:

- Batho ba futsanehileng ba Aforika Borwa ba nang le ditokomane tsa boitsebiso tse tala.
- Malapa a nang le dithelevishene tse sebetsang mme e se basebedisi ba ditshebetso tsa dithelevishene tse lefellowang.
- Malapa a tshepsetseng dithusong tsa ditjhelete tsa mmuso.
- Malapa a seng a akareditswe sekemeng sa dilaeense tsa thelevishene tsa SABC
- MaAforika Borwa a dulang dibakeng tse mathokong a meedi ya naha le Pokello ya Sekwere sa Kilomithara Kapa Leboya.